



TOSHKENT DAVLAT YURIDIK UNIVERSITETI REKTORINING B U Y R U G ' I

21.05.2024

317-tm-son

Talabalarga ijara to'lovlarining bir qismini to'lab berish to'g'risida

O'zbekiston Respublikasi Vazirlar Mahkamasining 2021-yil 24-sentabrdagi "Ijara huquqi asosida yashayotgan talabalar tomonidan to'lanadigan ijara to'lovlarini qoplab berish tizimini joriy etish chora-tadbirlari to'g'risida"gi 605-son hamda 2023-yil 14-avgustdagi "Oliy ta'lim muassasalari talabalarini turar joy bilan ta'minlash tizimini takomillashtirish chora-tadbirlari to'g'risida"gi 376-son qarorida belgilangan vazifalar ijrosini ta'minlash, uzoq hududlardan kelgan, Talabalar turar joyi bilan qamrab olinmagan, o'ziga va ota-onasi (yaqin qarindoshlari)ga tegishli bo'lmagan xonadonlarda istiqomat qiladigan talabalarni moddiy qo'llab-quvvatlash, ularning yashash sharoitlaridan doimiy xabardor bo'lib borish hamda Toshkent davlat yuridik universiteti talabalariga ijara to'lovlarini to'lab berish bo'yicha komissiyaning 2024-yil 17-maydagi 8-son yig'ilish bayoniga muvofiq

BUYURAMAN:

1. Toshkent davlat yuridik universiteti talabalariga ijara to'lovlarini to'lab berish bo'yicha komissiya (bundan buyon matnda – Komissiya)ning 2024-yil 17-apreldagi 8-son yig'ilish bayoni ma'lumot va ijro uchun qabul qilinsin.

2. Quyidagilar:

2024-yilning may oyi uchun ijara to'lovlarini to'lab berilishini so'rab 333 nafar talabalardan murojaat kelib tushganligi;

talabalarining murojaatlari fakultet dekanatlari tomonidan ularning xonadonlariga borib haqiqatdan ham ushbu xonadonlarga istiqomat qilishlari, xonadonlar talabalarining o'ziga va ota-onasi (yaqin qarindoshlari)ga tegishli bo'lmaganligi, ijara shartnomasi taqdim etgan yuqori kurs talabalarining hujjatlari belgilangan tartibda rasmiylashtirilganlik holati atroflicha o'rganilganligi;

komissiyaning tegishli qarori bilan 2024-yilning may oyi uchun 328 nafar talabalarga bazaviy hisoblash miqdorining bir baravari miqdorida hamda 5 nafar talabalarga bazaviy hisoblash miqdorining yarim baravari miqdorida ijara

to'lovlarini to'lab berish uchun tavsiya etilganligi inobatga olinsin.

3. Talabalarga ijara to'lovlarini to'lab berish bo'yicha komissiya tomonidan taqdim etilgan tavsiyaga rozilik berilsin.

4. 2024-yilning may oyi uchun 1-ilovadagi ro'yxatda nomlari ko'rsatilgan talabalarga bazaviy hisoblash miqdorining bir baravari miqdorida, 2-ilovadagi ro'yxatda nomlari ko'rsatilgan talabalarga bazaviy hisoblash miqdorining yarim baravari miqdorida ijara to'lovlari to'lab berilsin.

5. Buxgalteriya (M.Parpiyev) talabalarga ijara to'lovlarini belgilangan tartibda to'lab berilishini ta'minlasin.

6. Ijara to'lovlarini to'lab berish bo'yicha komissiya:
talabalarga ijara to'lovlarini to'lab berish bilan bog'liq jarayonlarni doimiy nazoratda saqlasin va bu boradagi ishlarni sifatli bajarilishini ta'minlasin;

ijara to'lovlarini to'lab berish bilan bog'liq jarayonlar bilan talabalarni doimiy xabardor qilib borish, ular orasida tushuntirish ishlarini olib borilishini nazorat qilsin.

7. Fakultet dekanlari (Sh.Saydullayev, D.Kamalova, B.Musayev, D.Umarxanova):

ijara to'lovlari to'lab berilayotgan talabalarning zarur buxgalteriya hujjatlarini tayyorlab universitet buxgalteriyasiga taqdim etilishini ta'minlasin;

ijara to'lovlari to'lab berilgan va keyingi oylar uchun ijara to'lovlarini to'lab berilishi uchun murojaat qiladigan davogar talabalarning ijara shartnomalari belgilangan tartibda rasmiylashtirilganligi, haqiqatdan ham belgilangan manzilda istiqomat qilishi va xonadonlar talabalarning o'ziga yoki ota-onasi (yaqin qarindoshlari)ga tegishli bo'lmaganligiga alohida e'tibor qaratsin;

keyingi oylar uchun davogar talabalarning arizalari va tegishli hujjatlarini umumlashtirib o'z vaqtida komissiyaga taqdim etish choralarini ko'rsin;

uzoq hududlardan kelib tahsil oladigan ijara xonadonlarda hamda Talabalar turar joylarida istiqomat qiladigan talabalar holidan doimiy xabar olish ishlarini tizimli tashkil etish choralarini ko'rsin;

tizimli ravishda ijarada yashayotgan talabalarning holidan xabar olish, yashash sharoitlarini o'rganish, sharoiti yaxshi bo'lmagan xonadonlarda istiqomat qilayotgan talabalarni sharoiti yaxshi bo'lgan xonadonlarga ko'chirish choralarini ko'rsin.

8. Talabalarga ijara to'lovlarini to'lab berish uchun ularning hujjatlarini umumlashtirish, belgilangan muddatlarda va kamchiliklarsiz ijara to'lovlarini to'lab berish bo'yicha komissiyaga taqdim etish, davogar talabalarning ijara shartnomalari belgilangan tartibda rasmiylashtirilganligi, haqiqatdan ham belgilangan manzilda istiqomat qilishi va xonadonlar talabaning o'ziga yoki ota-onasi (yaqin qarindoshlari)ga tegishli bo'lmaganligini tekshirishga **fakultet dekanlari mas'ul ekanligi** belgilab o'tilsin.

9. Mazkur buyruq ijrosi nazorati prorektor A.Iminov zimmasiga yuklatilsin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

D.UMARXANOVA



yuriskonsult

D.ALIBOYEV



Moliya-iqtisod ishlar bo‘yicha
prorektor

A.IMINOV



Ilmiy ishlar va innovatsiyalar bo‘yic

B.XODJAYEV

